



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

дэлж оны 05 сарын 02 өдөр

Дугаар 8/89

Алтай хот

Гамшигаас хамгаалах бүх нийтийн
бэлэн байдлын зэрэгт шилжүүлсэн үед
зохион байгуулалтын арга хэмжээг авах
тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Гамшигаас хамгаалах тухай хуулийн 32 дугаар зүйлийн 32.1.1, 32.1.3 дахь заалт, Засгийн газрын 2021 оны 45, 91 дүгээр тогтоол, Улсын Онцгой комиссын 2021 оны 02 дугаар тогтоол, аймгийн Онцгой комиссын 2021 оны 23 дугаар хурлын шийдвэрийг тус тус үндэслэн **ЗАХИРАМЖЛАХ** нь:

1. Коронавируст халдварт (Ковид-19) цар тахал батлагдсантай холбогдуулан бүх нийтийн бэлэн байдлын зэрэгт шилжүүлсэн хугацааг 2021 оны 05 дугаар сарын 02-ны өдрөөс 05 дугаар сарын 08-ны өдрийг дуустал сунгасугай.

2. Улаанбаатар хот болон бусад аймгаас ирэх иргэдийн бүртгэл, мэдээллийг нягталж, аймаг, сумдын орох, гарах хөдөлгөөнийг зогсоож, хяналтын цэгүүдэд үүрэг гүйцэтгэж байгаа бүрэлдэхүүнийг удирдлага, зохион байгуулалт, үүрэг даалгавраар хангаж ажиллахыг Онцгой байдлын газар (З.Баттулга), Цагдаагийн газар (Н.Эрдэнэ-Очир), Мэргэжлийн хяналтын газар (Н.Сумъяабазар), сумдын Засаг дарга нарт тус тус даалгасугай.

3. Аймгийн хэмжээнд коронавируст халдварт (Ковид-19)-аас урьдчилан сэргийлэх дархлаажуулалтын ажлыг чанартай зохион байгуулахыг Эрүүл мэндийн газар (Ц.Туяа), иргэдийн халдвараас сэргийлэх дэглэмийг сахиулж, хяналт тавьж ажиллахыг Онцгой байдлын газар (З.Баттулга), Цагдаагийн газар (Н.Эрдэнэ-Очир), Мэргэжлийн хяналтын газар (Н.Сумъяабазар), Есөнбулаг сумын Засаг дарга (Д.Чинзориг)-д тус тус үүрэг болгосугай.

4. Тусгаарлан ажиглах байрны үйл ажиллагааг удирдлага, зохион байгуулалтаар хангаж ажиллахыг Санхүү, төрийн сангийн хэлтэс (Х.Баатарзориг)-т даалгасугай.

2.

5. Улаанбаатар хотоос халдвартын эсрэг дархлаажуулалтын вакцин тээвэрлэх, Улаанбаатар хот, Баян-Өлгий, Ховд аймагт шинжилгээний сорьц хүргэсэн шатахууны зардалд 1,454,250 төгрөг, эргүүл, хяналтын цэг, шуурхай штабт үүрэг гүйцэтгэх бүрэлдэхүүний хоол, шатахууны зардалд 9,758,750 төгрөг, нийт 11,213,000 төгрөг (арван нэгэн сая хоёр зуун арван гурван мянган) төгрөгийг Гамшгийн сангаас шийдвэрлэхийг Санхүү, төрийн сангийн хэлтэс (Х.Баатарзориг)-т зөвшөөрсүгэй.

6. Халдвартын эсрэг дархлаажуулалтын вакцин, шинжилгээний сорьц тээвэрлэх шатахуун, эргүүл, хяналтын цэг, шуурхай штабт үүрэг гүйцэтгэх бүрэлдэхүүний хоол, шатахууны зардлыг хавсралтаар баталсугай.

7. Захирамжийн хэрэгжилтэд хяналт тавьж ажиллахыг аймгийн Засаг даргын орлогч Г.Чинбатад даалгасугай.

ЗАСАГ ДАРГА

О.АМГАЛАНБААТАР

